



Broj: 01-GV-05-863-2.1/18

Datum: 16.10.2018. godine

GRAD SARAJEVO
GRADSKO VIJEĆE

Predmet: **Odgovor na vijećničko pitanje** gradskog vijećnika Samira Fazlića, broj 01-GV-02-863-2/18 od 26.09.2018. godine

Gradski vijećnik Samir Fazlić, na 18. sjednici Gradskog vijeća, održanoj 25.07.2018. godine, uputio je **vijećničko pitanje** kako slijedi.

Potrebno je da Gradonačelnik – nadležne službe u Gradskoj upravi dostave odgovore na sva vijećnička pitanja upućena od početka mandata, odnosno daju informacije o toku realizacije podnesenih inicijativa ili se pismeno očituju o nemogućnosti njihove realizacije.

Na postavljeno pitanje, daje se **odgovor** kako slijedi.

U predočenom pregledu su izdvojena sva vijećnička pitanja i inicijative koje je uputio gradski vijećnik Samir Fazlić u tekućoj godini kao i poveznice na službenu internetsku stranicu Gradskog vijeća za dostavljene odgovore, odnosno informacije o realizaciji podnesenih inicijativa.

- Samir Fazlić, broj 01-GV-02-870-4-18 od 25.07.2018. godine
„Potrebno je da Gradonačelnik – nadležne službe u Gradskoj upravi dostave odgovore na sva vijećnička pitanja upućena od početka mandata, odnosno daju informacije o toku realizacije podnesenih inicijativa ili se pismeno očituju o nemogućnosti njihove realizacije.“
- Samir Fazlić, broj 01-GV-02-870-3-18 od 25.07.2018. godine
„Potrebno je da Gradsko vijeće do kraja tekuće godine, odnosno do početka EYOF 2019, na svakoj sjednici razmatra Informaciju o toku priprema za organizaciju i realizaciju EYOF. Kao što je poznato, august mjesec je mjesec godišnjih odmora, a upitno je održavanje i sjednice Gradskog vijeća krajem septembra mjeseca zbog općih izbora koji će uslijediti. Preostalo je, dakle poslije toga još nekoliko mjeseci do početka EYOF-a. Budući da su prisutne određene informacije da pripreme ne teku optimalnom dinamikom, potrebno je da se svi subjekti dodatno angažiraju kako bi se igre pripremile na odgovarajući način u potrebnom roku.“
- Samir Fazlić, broj 01-GV-02-870-2-18 od 25.07.2018. godine
„Potrebno je da Gradonačelnik - Gradska služba za urbano planiranje, investicije, stambene i komunalne poslove, prezentira gradskim vijećnicima dokumentaciju kojom raspolaže kako bi se gradski vijećnici upoznali sa Regulacionim planom Gradski centar Marijin Dvor Kvadrant „B“, što je već bilo zatraženo prije godinu dana, a s ciljem osnovanog odlučivanja o budućim planskim rješenjima. Očekuje se da Grad Sarajevo završi ranije započeti posao, odnosno konačno definiira planski dokument za ovaj izuzetno vrijedan centralni prostor, budući da je na snazi jedan plan koji je u koliziji sa zahtjevima građana, lokalne zajednice, ali i potencijalnih investitora. Na prošloj sjednici Općinskog vijeće Centar, ovlašteni predlagač je odustao od prijedloga akta, upućenog općinskom vijeću na razmatranje, a vezano za izgradnju podzemnih garaža na Bulevaru Franca Lehara. U Općini Centar je u pripremi i odluka vezana za izgradnju određenih objekata na



području Regulacionog plana Gradski centar Marijin Dvor u blizini Unisovih nebodera. Također, još uvijek nije definiran koncept za izgradnju konceptne dvorane i biciklističke staze u okviru obuhvata ovog Plana.“

- Samir Fazlić, broj 01-GV-02-637-9-18 od 30.05.2018. godine
„Potrebno je naglasiti, da opredjeljenje da određeni projekti postanu gradski projekti, kroz svoje odluke, uključujući i usvajanje Budžeta Grada Sarajeva, donosi Gradsko vijeće, te ih, prema odlukama Gradskog vijeća, Gradonačelnik i realizira, izvršavajući, tako, politiku Grada Sarajeva. S tim u vezi, pri promociji Grada Sarajeva - organa Grada Sarajeva, njihovih aktivnosti i realizacije gradskih projekata, pored Gradonačelnika, trebaju biti zastupljeni i gradski vijećnici koji upravo čine organ Grada Sarajeva nadležan za odlučivanje, odnosno donošenje politike Grada Sarajeva.“
- Samir Fazlić, broj 01-GV-02-637-8-18 od 30.05.2018. godine
„U ulici Ferhadija je 27. maja odavanjem počasti i polaganjem cvijeća obilježena godišnjica masakra na kojoj je u ime Grada Sarajeva prisustvovala samo zamjenica Predsjedavajućeg Gradskog vijeća Mira Jurić. Potrebno je podsjetiti da je delegaciju Kantona Sarajevo činio i premijer Kantona, i predsjednica Skupštine Kantona, određeni broj ministara i zastupnici u Skupštini Kantona Sarajevo. Bilo bi dobro da Grad Sarajevo, također, ubuduće formira visoku i brojniju delegaciju koja će dostojanstveno odati počast nedužnim ubijenim građanima Sarajeva, pogotovo na ovom mjestu gdje se obilježava jedan od najtežih dana za građane Sarajeva u proteklom ratu.“
- Samir Fazlić, broj 01-GV-02-637-7-18 od 30.05.2018. godine
„NTV Hayat se u proteklom periodu, svojim programskim sadržajima opredijelio za promociju gradskih projekata, a značajno je bilo i sudjelovanje ove televizijske kuće u svečanim događajima Grada Sarajeva u povodu Dana Grada Sarajeva. Bilo bi dobro da Grad Sarajevo u narednom periodu ponudi ovoj TV kući saradnju u smislu direktnog prenosa sjednica Gradskog vijeća odnosno osmišljavanju emisije u kojoj će se kratkom hronikom prezentirati rad sjednica Gradskog vijeća, a što bi pored građana grada Sarajeva moglo biti zanimljivo i bh. dijaspori.“
- Samir Fazlić, broj 01-GV-02-637-6-18 od 30.05.2018. godine
„Potrebno je da Grad Sarajevo ponovo uputi inicijativu Predsjedništvu Bosne i Hercegovine, odnosno Službi Predsjedništva zaduženoj za protokol, da visoke delegacije pri posjetama Bosni i Hercegovini u gradu Sarajevu, obavezno odaju počast polaganjem cvijeća na spomeniku ubijenoj djeci opkoljenog Sarajeva '92-'95, budući da je prošlo skoro godinu dana od upućivanja ove inicijative, a još uvijek nije dostavljeno očitovanje o podnesenoj inicijativi iz Predsjedništva Bosne i Hercegovine.“
- Samir Fazlić, broj 01-GV-02-530-5-18 od 25.04.2018. godine
„Potrebno je da Gradonačelnik dostavi Gradskom vijeću informaciju za sljedeću sjednicu u kojoj fazi je osnivanje Javne ustanove „Muzej savremene umjetnosti ARS AEVI“, budući da je Gradsko vijeće donijelo odluku o osnivanju ove javne ustanove prije pet mjeseci.“
- Samir Fazlić, broj 01-GV-02-530-4-18 od 25.04.2018. godine
„Potrebno je da Gradonačelnik, odnosno JP „Sarajevo“ d.o.o. informira Gradsko vijeće o planu aktivnosti uz navođenje potrebnih finansijskih sredstava za njegovu realizaciju, za tekuću godinu i ubuduće, na realizaciji izgradnje Trebevičke žičare, a imajući u vidu sugestije, prijedloge i inicijative koje su radna tijela Gradskog vijeća i gradski vijećnici uputili Gradonačelniku za realizaciju ovog projekta.“

(Odgovor: Samir Fazlić, broj 01-GV-02-530-4.O-18 od 22.05.2018. godine)

- Samir Fazlić, broj 01-GV-02-530-3-18 od 25.04.2018. godine
 „Potrebno je da Pravobranilac Grada Sarajeva dopuni odgovor na ranije upućeno vijećničko pitanje vezano za sporove koje određeni broj ljudi vodi protiv Grada Sarajeva a vezano za provođenje konkursa za državne službenike u Gradskoj upravi. Potrebno je obrazložiti status zaključka Gradskog vijeća na koji se poziva Pravobranilac Grada Sarajeva u svom odgovoru u odnosu na odluke Suda koje su nastale kao rezultat ovih sporova. Također, potrebno je odgovoriti na pitanje s kolikim iznosom će biti oštećen Budžet Grada Sarajeva u slučaju gubitka spora.“
- Samir Fazlić, broj 01-GV-02-448-3-18 od 28.03.2018. godine
 „Budući da se u medijima već duže vrijeme pojavljuju natpisi o poništenju konkursa za zapošljavanje određenog broja službenika u Gradskoj upravi Grada Sarajeva, u vrijeme mandata gradonačelnika Komšića, a Gradsko vijeće, kroz Izvještaj Pravobranilaštva, o tome nije dobilo informacije, potrebno je da Pravobranilaštvo Grada Sarajeva, za sljedeću sjednicu Gradskog vijeća, dostavi informaciju o ovom slučaju, odnosno procesu koji se odvija pred Sudom i traje već četiri godine, a koji su pokrenuli ljudi koji su aplicirali na, kasnije poništen konkurs.“

(Odgovor: Samir Fazlić, broj 01-GV-02-448-3-18 od 18.04.2018. godine)

- Samir Fazlić, broj 01-GV-02-448-2-18 od 28.03.2018. godine
 „Budući da je u Budžetu Grada Sarajeva za 2017. godinu bilo planirano 100.000,00 KM za rekonstrukciju fasade Historijskog muzeja u Sarajevu potrebno je za sljedeću sjednicu pripremiti pismeni odgovor o tome u kojoj fazi je priprema, odnosno realizacija ovog projekta i kad bi se mogla očekivati rekonstrukcija fasade.“

(Odgovor: Samir Fazlić, broj 01-GV-02-448-2-18 od 19.06.2018. godine)

- Samir Fazlić, broj 01-GV-02-178-3-18 od 31.01.2018. godine
 Kao što je poznato, Gradsko vijeće je pokrenulo Projekat izgradnje Trebevičke žičare u okviru svoje nadležnosti i kontinuirano svojim odlukama stvaralo uvjete i usmjeravalo realizaciju projekta. Također, osiguralo je u okviru svoje nadležnosti, regulaciju prostora, a vezano za stvaranje uvjeta za rekonstrukciju, odnosno izgradnju Trebevičke žičare. Na posljednjoj sjednici, Gradsko vijeće je dalo punu podršku i prijedlogu Gradonačelnika i Pravobranilaštva Grada Sarajeva za izdvajanje sredstava za kupovinu zemljišta potrebnog za organizaciju pristupa polaznoj stanici Trebevičke žičare. Međutim, kada su u pitanju promotivne aktivnosti vezano za tok realizacije izgradnje Trebevičke žičare, Gradsko vijeće je potpuno izuzeto, a javnosti se predstavlja samo Gradonačelnik sa malim brojem saradnika. Tako još uvijek nije organizirana, ranije najavljena, posjeta lokalitetima na kojima se realizira Projekt izgradnje Trebevičke žičare. Potrebno je što prije organizirati ovu posjetu i osmisliti kontinuirano prisustvo gradskih vijećnika u procesu praćenja realizacije izgradnje Trebevičke žičare. Također, očekuje se da, u buduću, gradski vijećnici budu prisutni u procesu praćenja realizacije svih drugih projekata Grada Sarajeva koje pokrene Gradsko vijeće svojim odlukama.
- Samir Fazlić, broj 01-GV-02-178-2-18 od 31.01.2018. godine
 Kao što je poznato, Gradsko vijeće nije usvojilo Amandman Kluba gradskih vijećnika Naše stranke podnešen na Prijedlog Budžeta Grada Sarajeva za 2018. godinu, a kojim je predlagano planiranje sredstava za finansiranje Projekta uređenja kaskada u rijeci Miljacki, pogotovu što je uvaženi profesor Langof sa Građevinskog fakulteta u Sarajevu dao stručno mišljenje po kome je od 22

kaskade u rijeci Miljacki, 21 kaskada devastirana toliko da predstavlja opasnost za građane. Zato bi bilo dobro da Gradonačelnik, odnosno nadležna služba još jednom razmotri ovaj prijedlog, te da eventualno, pri predlaganju rebalansa Budžeta Grada Sarajeva za 2018. godinu ili na drugi način, uz stručnu pomoć i u saradnji sa nadležnima iz Kantona Sarajevo i gradskim općinama pripreme projekt tako da se već početkom ljeta počne realizirati izvođenje potrebnih radova u koritu rijeke Miljacke.

(Odgovor: Samir Fazlić, broj 01-GV-02-178-2.O-18 od 20.03.2018. godine)

- Samir Fazlić, broj 01-GV-02-180-1-18 od 31.01.2018. godine
“Obzirom da mi se kao gradskom vijećniku, obratio jedan broj građana, kao i raznih nevladinih organizacija i udruženja, slobodan sam kao vijećnik postaviti nekoliko pitanja uvaženom Gradonačelniku, Pravobraniocu, te nadležnoj službi u vezi sa pismom koje je upućeno građanima koji imaju Facebook stranice, a u vezi korištenja imena Sarajevo u nazivu stranice. Interesuje me, kao prvo, ko je dao smjernice za ovako drsko i nepotpisano prijeteće pismo? Ko su osobe koje su na neprimjeren način vodile komunikaciju sa pozvanim osobama i sa kojim ovlastima, te u kojem svojstvu su u Gradskoj upravi? Da li je bilo moguće pokazati zainteresovanost da pojedine stranice postanu sastavni dio glavne stranice Grada Sarajeva, i da li je nešto urađeno po tom pitanju? Ukoliko nije, ovim putem podnosim inicijativu da se to i uradi. Želim da mi se dostavi spisak svih pravnih osoba koje su u periodu od 2012. do 2017. godine imali obavezu prema odluci uplaćivati naknadu a to nisu uradili. Tražim da mi se dostavi spisak svih rješenja od 2012. do 2017. godine koja su izdata i za oslobađanje i za naplatu u skladu sa Odlukom o upotrebi grba, imena i isticanju zastave Grada Sarajeva. Da li je upućena isprika administratorima Facebook stranica na uznemiravanju kao i poziv za zajedničku suradnju na zvaničnom memorandumu uprave Grada Sarajeva. Molio bih potpun, pismeni odgovor na postavljena pitanja.”
- (Odgovor: Samir Fazlić, broj 01-GV-02-180-1.O-18 od 27.02.2018. godine)

PREDSJEDAVAJUĆI GRADSKOG VIJEĆA

Dr. Igor Gavrić, s.r.

Dostaviti:

- Gradskom vijeću Grada Sarajeva
- evidencija
- a/a